



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt XXX.

urn:nbn:de:hbz:466:1-15617

Ioannes VIII.
ep. 74. 55.

Vide supra lib. 5.
cap. 40. §. 3.

Frodoardus ad
an. 948.

Ansegisi consilium interrupit obitus Caroli Calvi Imperatoris, qui anno sequenti decepsit. Veruntamen Ioannes octavus Papa, ut possessionem suam retineret, vicarium suum per Gallias tribuit Rostagno Archiepiscopo Arelatensi. Sed ea legatio omni prorsus effectu caruit.

VI. Pontifices Romani, cum intelligerent Metropolitanos ferre nolle uni ex suo corpore conferri jus perpetuae praesidentiae, exitimarunt mittendos esse Legatos in Gallias & in alia regna cum potestate convocandi Concilia pro necessitate temporum, eisque praesidendi, ac relationem rerum in eis statutarum mittendi ad apostolicam sedem, ut Romae aut confirmarentur aut retractarentur. Hujuscemodi legationem exercuit Robertus Archiepiscopus Treverensis: cui data est potestas praesidendi synodo apud Mosolum in diecepsi Remensi habitae anno nonagesimo quadragesimo octavo in causa Archiepiscopi Remensis, ut narrat Frodoardus in Chronico: cuius locus explicari non debet de legatione generali, sed de ea tantum quæ concessa erat ad judicandam appellationem Episcopi juxta canones Sardenses: Mandatum legationis apostolice, quam dudum Robertus Archiepiscopus deferente Frederico Presule Mogoniacensi coram Regibus & Episcopis tam Gallie quam Germanie suscepserat, & partem jam preceptionis ipsius exegerrat. Marinus quoque sedis apostolicae Legatus pro eadem causa venit ad Gallias; & conventui generali Ingilenheimensi praefuit eodem anno, postquam literas legationis ostenderat. Missus apostolicae sedis chartam sua legationis honorifice protulit, inquit Concilium Ingilenheimense in præfatione. Relationem ille suam ad Agapetum secundum misit de rebus in hac synodo gestis: cuius synodi sententiam Romana confirmavit anno sequenti, ut testatur idem Frodoardus. Ceterum ea ratione causas ad se trahebant Pontifices Romani.

CAP V T XXX.

Synopsis.

I. Sub initia terii Regum nostrorum dynastie nova politia forma introducta est in detrimentum autoritatis Metropolitanorum & Conciliorum, tum etiam regie. Quippe omnes causa penderant ab arbitrio Legatorum.

II. Canon Sardensis satis modestè observatus est usque ad seculum decimum. Dein Alexander secundus pronunziavit curam universalis Ecclesie ad se pertinere, id est, cum id per se ipse non posset, mittendos qui vice sua Ecclesias visitarent. Expen-

ditur ea Alexandri sententia. Petrus Damiani Legatus in Gallia.

III. Amatus Episcopus Oronensis, Legatus in Aquitania. Item Geraldus Cardinalis. Oficis. Quid Aquitanica legationis nomine comprehendetur.

IV. Ad Legatos ea tempestate pertinet conveccatio Conciliorum generalium ex provinciis qua intra legationis eorum terminos continebantur. Gregorius septimus definivit Legatos Apostolicae sedis praecedere debere omnes Episcopos. Depeneret poterat Episcopos. Eorum suffragium equiparabatur collatione: totus synodi suffragans.

V. Consilia ab illis convocata constabant plurimum ex Episcopis & Abbatibus eorum legationis; eisque interdum intererant opimates. Probatus varius exemplis.

VI. Primam omnium causarum cognitionem ad se trahebant in provinciis. Irascitur tamen Ivo Carmonensis ob eam presumptionem.

VII. Canones & statuta in Conciliis condabant pro disciplina ecclesiastica.

VIII. Tum Acta Coniliorum suorum mittebant ad apostolicam sedem. Omisum obsequium illud à Geraldino Episcopo Ostiensi gravem Gregory septimus reprehensionem adversus ipsum excitavit.

X. Procuratus Legatorum introducta ero Alexandri secundi, & frequentia Legatorum sub Gregorio septimo, qui Metropolitanos iacejurdando aliquipliciter se sumptus necessarios Legatis suppeditauit. Origo hujus instituti peti potius ex literis Gregorii secundi. Verum quantum absuit sequenti etiam modestia illius seculi!

X. Procurations Legatorum gravissimam in Gallia querelam excitaverunt. Et occasione præmaturi sacra famis. Episcopi Gallicani Pachalim secundum erant ut legationem suam tribuat cunctis Episcopo transalpino.

XI. Frequentia Legatorum in fastidium resa. Iudicia lata in synodis Gallicanis interdum Roma cassabatur parte mandata altera. Vnde occasio sumit Ivo scribendi murem esse Conciliorum celebracionem. Idipsum dum ante sonerat Hinckmar.

XII. Ita Summi Pontifices cuncta ad se traxerunt. Eo pacto sunt generalia regni Concilia ecclesiastica. Frequentes dem non sunt legationes, nisi ob gravem causam. Concilium Biturigense anni 1226. in quo sessum non fuit quasi in Concilio, sed ut in Consilio. Cur ita factum.

I. **H**ACTENUS satis æqua lege considerat ecclesiastica politia. At ex fundamentis que jaeta sunt desinente secunda Regum nostrorum dynastia confecta est nova ejusdem politiae forma sub initia tertiae eorum stirpis, in detrimentum Metropolitanorum Conciliorumque provincialium & generalium regni. Quin & eodem tempore valde imminuta est regia auctoritas. Nam Legatorum missiones adeo frequentes erant, & potestas illis ab apostolica sede concessa tam splendida erat ac magnifica, ut omnes causa ecclesiastica ab eorum nutu penderent, & secundum illorum voluntatem judicarentur, aut ad

apostolicam sedem remitterentur.

II. Decreverat quidem synodus Sardicensis posse Episcopum Romanum, si ita existimaret, Legatum à latere suo in provincias mittere, illic cum Episcopis provincie judicaturum revisionem causæ Episcopi depositi. Satis modestè observata est hæc lex usque ad seculum decimum, nequicquam promovente Nicolao primo, qui confilium iniverat vertendi legationes hujuscemodi in consuetudinem ordinariam, eo prætextu, quod, ut recenter inventum fuerat, irrita forent Concilia generalia quæ non cum auctoritate apostolica sedis habita erant. Post annum millesimum necessarium vñsum non est prætaxi ad mittendos Legatos judicia appellationum. Quippe Alexander secundus jus mittendorum Legatorum ex eo capite arcessit circa annum millesimum sexagesimum secundum quod cura universalis Ecclesia eum cogat mittere ad vicem suam personas quæ visitent Ecclesias, cùm id ipse efficeret per se non possit. Certum quidem est ei incumbere sollicitudinem Ecclesie universalis. At novum est cùm dicitur ex ea sollicitudine sequi ut teneatur ad personalem diœceseon visitationem, id enim ad unumquemque Episcopum pertinet in sua diœcesi. Ministerium autem Romani Pontificis in eo tantum versatur ut ad eum maiores causæ & appellationes referantur; qui busipse providere tenetur secundum canones. Attamen Alexander secundus axioma illud innuens tanquam certum, hinc occasionem sumit probandi necessitatem mittendi in Gallias Petrum Damiani Cardinalem Ostiensem eum dignitate Legati, qui illic personam Pontificis representaret. Epistola Alexandri scripta est ad Archiepiscopos Rhemensem, Senonensem, Turonensem, Biturigenensem, & Burdegalensem: cuius hæc sunt verba: *Non ignorat sancta vestra fraternitas, dilectissimi, quod ex auctoritate sedis apostolice, cui nos indignos clementia divina prefecit, totius universalis Ecclesie regendas ac disponendas nobis status incumbit. Quoniam igitur pluribus Ecclesiis arum negotiis occupati, ad vos ipsi venire non possumus, talem vobis virum destinare curavimus, quo nimirum post nos major in Ecclesia Romana auctoritas non habetur, Petrum videlicet Damianum Ostiensem Episcopum, qui nimirum est noster oculus & apostolice sedis immobile firmamentum. Huic itaque vicem nostram pleno jure commisimus; ut quicquid in illis partibus Deo auxiliante statuerit, ita ratum teneatur ac firmum ac si speciali nostri examinis fuerit sententia promulgatum.*

III. Legati hujuscemodi mittebantur

ad diversa regna, & eorum legatio interdum porrigebatur in universum regnum, interdum vero in quasdam tantum provincias. Exempli causa, Amatus Episcopus Oloronensis apud Benearnos creatus est Legatus in univerla Aquitania anno millesimo septuagesimo quarto, eaque legatio completebatur metropoles Burdegalensem & Auſitanam, atque etiam Turonensem. Eadem legatio commissa est Geraldo Cardinali Ostiensi: quæ, ut testatur auctor vita sancti Bernardi, completebatur quicquid inter Pyrenæos montes & Ligerim fluvium intercipitur, ut in Notis ad librum primum Goffredi Vindocinensis ostendit Sirmondus.

Vide supra lib. t.
cap. 46. §. 2. 2.

Vide supra lib. t.
cap. 46. §. 3. 2.
seqq.

IV. Eorum vero auctoritas non in eo solum posita erat ut privatam aliquam causam foli judicare possent. Magnificum fuit quod ad eos pertinebat convocatione Conciliorum generalium ex provinciis quæ intra legationis eorum terminos continebantur. Tum vero in synodis praesidebant universis Metropolitanis; tametsi prærogativam hanc Ansegiso Senonensi Archiepiscopo contradixisset Concilium Pontigenense anno octingentesimo septuagesimo sexto. Sed tempore addito, devorata est hæc lex à Metropolitanis, postquam Gregorius septimus definivit Legatos apostolicae sedis, cujuscunque tandem gradus i forent, præcedere in Conciliis debere omnes Episcopos, ut habetur in Dictatibus ejusdem Papa: *Quod Legatus ejus omnibus Episcopis presit in Concilio, etiam inferioris gradus, & adversus eos sententiam depositionis possit dare.* Magna autem erat eorum dignatio, quod in provincias accederent cum auctoritate suspendendi & depnendi Metropolitanos & alios Episcopos, quod facilius mandatorum suorum executionem obtinerent ac votorum suorum compotes fierent. cuius rei exempla extant quamplurima in epistolis Gregorij septimi & Iovini Episcopi Carnotensis. Quin etiam sedis apostolicae judicio reservare poterant ea quibus Episcopi consentire nollent in Conciliis; ea Legatis auctoritate concepta, ut unicum eorum suffragium æquipararetur collectis totius synodi suffragiis, divisionemque sententiarum hoc pacto introducerent. Praeceptum id fuerat ad exemplum auctoritatis quam Leo primus tribuerat Episcopo Thesalonicensi, cui Vicarij sedis apostolicae dignitatem contulerat in Diœcesi Illyriciana: *Si autem in eo quod cum fratribus tractandum definiendumve credideris, diversa eorum fuerit atua voluntate sententia, ad nos omnia sub gestorum testificatione ferentur, ut remotis ambiguitatibus quod Deo placeat discernatur.*

Leo in Decret.
tit. 41.

V. Infinitum esset & inutile persequi omnia Concilia que ab hujuscemodi Legatis celebrata sunt in Gallia, quorūmque mentio extat in epistolis Gregorij septimi & aliorum Pontificum, apud Iwonem Carnotensem & Goffridum Vindocinem. Satis erit adnotasse tria quædam. Primum, Concilia illa ut plurimum constitisse ex Episcopis & Abbatibus earum regionum ad quas Legati auctoritas porrigebarunt, eisque interdum interfusse optimates. Diferta in eam rem sunt verba Nicolai monachi Sueffionensis, cùm loquitur de Concilio Trecensi habito à Richardo Episcopo Albanensi Paschalis secundi Legato. *Richardus Cardinalis & apostolica sedis Legatus apud Trecenses celeberrimum habuit conveniū Episcoporum, Abbatum, & Gallia procerum*, inquit Nicolaus in vita sancti Godfridi Episcopi Ambianensis lib. 1. cap. xxx. At principes illi viri invitabant ad synodum, postquam ejus celebrationi consensus eorum accesserat; ut colligitur ex literis Amati Episcopi Oloronensis, apostolicae sedis Legati, quibus Archiepiscopo Turonensi Rodulfo præcipit ut ad synodum Burdegensem veniat: *Noverit vestra caritas, frater dilectissime, nos auctoritate Dei omnipotentis omniumque legationis nostrae Episcoporum, Abbatum, Principum consensu, Concilium Burdegalum in Octava sancti Michaëlis celebrandum constituisse.* In Germania quoque Legati invitabant proceres ad Concilia; quemadmodum factum est anno millesimo centesimo decimo sexto, cùm excommunicationis sententia lata est in Henricum Imperatorem, apud Trithemium in Chronicō Hisauriensi.

VI. Alterum caput notatu dignum, hoc est, Legatis infra magnitudinem eorum visum si de appellationibus tantum cognoscerent in Conciliis. Itaque primam omnium causarum cognitionem ad se trahebant in Conciliis definiendarum, & interdum etiam absque Concilio, sive ageretur de electionibus Episcoporum déque eorum moribus, sive de simplicibus Clericis, aut etiam de titulis Beneficiorum, aut laicorum excommunicationibus. Eum ordinem tenuit Cono Episcopus Prænestinus in Concilio Belvaci anno millesimo centesimo decimo quarto, in quo Thomas de Marla, qui dices Remensem, Laudunensem, & Ambianensem vexabat, excommunicatus est, cùm federet Belvacum generali conventu Gallica Ecclesia; ut ait Sugerius Abbas. At Ivo Carnotensis gravem adversus Hugonem Archiepiscopum Lugdunensem & apostolicae sedis Legatum querelam movit, eò quod primam cognitionem electionis Episcopi

Aurelianensis ad se traxisset: *Si intra provin-
ciam, inquit, secundum quod instituta majorum
continent, fieret prima discussio, sicut necesse
foret &c.*

VII. Tertium caput nostrarum observationum ita habet, non solum judicia in his Conciliis tulisse Legatos, sed etiam canones & statuta condidisse pro disciplina ecclesiastica, cujus rei exempla suppetunt. Namque Concilium Piætavense habitum anno mille-
fimo centesimo à Legatis Paschalis secundi
decem canones condidit, quorum nonnulli
transcripti sunt in Concilio generali Lateranensi sub Callisto secundo habito anno mil-
lesimo centesimo vigesimo secundo. Aliud quoque Concilium in eadem urbe Piætavensi
celebrare Legati anno millesimo centre-
simo nono, in quo editi sunt canones sedecim.
In Anglia quoque Legati sedis apostolicae varia Concilia celebraverunt, in quibus etiam constituti sunt canones; velut in Lon-
dinensi habito anno M C X X V. à Ioanne de Crema Legato, qui disciplinam ecclesiastici
cam restauravit.

VIII. Quoniam autem potestas horum Legatorum non ad hoc tantum instituta erat ut causas provinciarum definirent, sed ut insuper sedis apostolicae auctoritatem apud eas retineri procurarent, necessarium erat ut acta synodorum Romanam referrentur, eò magis, quod appellations & conquestiones adversus illorum judicia recipiebantur, tametsi interim effectum eorum non impedi-
rent. Officium Legatorum in referendis ad apostolicam sedem rebus eorum auctoritate decretis rectè explicavit Gregorius septimus ad Geraldum Episcopum Ostiensem & apostolicae sedis in Hispania Legatum scribens anno millesimo septuagesimo tertio, qui peccaverat aliquatenus in hanc regu-
lam: *Miramur, & multum anxi sumus, quod cap. 7.1.
cum semper consuetum & valde necessarium fuerit ut si quando Legatus apostolice sedis Concilium in remotis partibus celebraverit, sine mora cap. 7.2.
ad annuntiandum omnia que egisset reverteretur.* Infrā: Debuerat prudentia tua ilium quem tibi ad-
junximus, aut aliquem qui synodo interfusset, quique omnia vice tua nobis rationabiliter expre-
dere sciret, ad nos direxisse; quatenus perspectis on-
ibus, confirmanda confirmaremus, & si qua mutan-
da viderentur, discreta ratione mutaremas. Infrā:
*Alij in iuste se excommunicatos, alij inodinatē depo-
sitos, alij immixtio interdictos conqueruntur.*

IX. Hujuscemodi Legatorum numerus immensum crevit atate Gregorij septimi: quoniam post regulam ab Alexandro secun-
do propositam subtilias illius seculi invent
artem extorquendi sumptus Legatis necessa-
rios ab Ecclesiis quæ erant intra limites le-
gationis

*Ap. Simond. in
Notis ad Goffrid.
Vindoc. lib. 1. ep.
29.*

Vide supra lib. 7.
cap. 4. §. 1. &c.
Ioy. de cap. 51.
§. 1. & seqq.

Concil. Rom.
an. 1079.

Vide supra lib. 5.
cap. 41. §. 4. &
cap. 48. §. 1.

Vide supra lib. 5.
cap. 51. §. 6.

Cap. Prosternatio-
nis de censibus.

Vide supra lib. 5.
cap. 14.

Ivo epist. 109.

gationis eorum, exemplo petito à procurationibus quæ debentur Episcopis pro visitatione. Præterea Gregorius novam anno millesimo septuagesimo nono clausulam adjectit juramento Metropolitanorum, quando Pallium recipiebat, quæ cogebantur ad suppeditandos sumptus necessarios Legatis, quoties per provincias eorum iter agerent ad legationem suam euntes, ut eo pacto certi essent sumptus eisdem Legatis necessarij: *Legatum Romanum eundo & redeundo honorificè tractabo, & in suis necessitatibus adjurabo.* Constat sanè Gregorium secundum anno septingentesimo vigesimo secundo, Clericis ac nobilibus laicis commendasse Bonifacium, quem in Germaniam mittebat ad convertendos infideles, eosque hortatum esse ut sumptus ei alendo suppeditarent. Hæc sunt Gregorij verba in epistola quarta: *Cui hortamur ob amorem Domini nostri Iesu Christi & Apostolorum ejus reverentiam ut in omnibus solertia exhibeatis, eumque in nomine Iesu Christi recipatis, ut scriptum est de suis discipulis: Qui vos recipit, me recipit: Providentes insuper necessaria itineris ejus, comitescque tribuentes. Cibam etiam, ac potum, vel si quid egerit, largientes &c.* Gregorius inquam secundus clerum ac nobiles laicos hortatus est ut impendia necessaria Bonifacio præberent. Verum contributio illa infra mediocritatem subsistebat, quod exigui admodum sumptus sufficerent homini frugaliter viventi & Apostolorum virtutibus æmulanti; ac præterea contributio illa sponte siebat. At cum Legati in provincias accederent cum pompa & splendido comitatu, necessarij erant immensi sumptus; adeoque contributio propter illos imperata personas ecclesiasticas opprimebat; quæ cogebantur eam pendere pro visitatione, tametsi Legati ad eas non accederent. Quare Innocentio tertio vīsum est ut modus quidam iis rebus adhiberetur, editio in eam rem canone in Concilio Lateranensi anno millesimo ducentesimo decimo quinto, qui tamen non admodum iniquus est Legatis.

X. Hæ Legatorum procurationes gravissimam in Galliis querelam excitaverunt. Etenim Episcopi videntes perpetuam velut reciprocationem Legatorum Roma venientium, ac statim abeuntium antè quam eis licuisset mala provinciarum introspicere, ac per consequentiam antè quam iisdem malis remedia adhibuerint, cum id, inquam, Episcopi cernerent, dicebant Summos Pontifices potius studere augendis suorum fortunis quam sanandis subiectorum malis. Ita enim ad Paschalem secundum scribit Ivo Carnotensis Episcopus: *Cum enim à latere Tom. II.*

vestro mittitis ad nos Cardinales vestris, tanquam filios uterinos, quia in transitu apud nos sunt, non tantum non possunt curanda curare, sed nec curanda prospicere. Inde est quod multi Preceptorum facta gladio lingue ferire cupientes, dicunt sedem apostolicam non subditorum quare re sanitatem, sed suam aut lateralium suorum querere commoditatem. Et quoniam mos mitendorum Legatorum prævaluerat, Episcopi Gallicani, non spernendam occasionem rati, eum vertere studuerunt in commodum regni. Etenim quemadmodum ducentis ante annis contenderant ne cuiquam Episcoporum Gallicanorum concederetur legatio sedis apostolicæ, nullusque præterea perpetuus Legatus mitteretur in Gallias, nunc Paschalem orant ut legationem suam tribuat Episcopo cuiquam transalpino, qui penitus introspicere poterit provinciarum morbos eisque remedium adhibere per se aut per relationes ad sedem apostolicam mittendas. Addunt autem cupere se in primis ut ministerium illud delegetur Hugo Archiepiscopo Lugdunensi, qui præclarè admodum in eo se gesserat sub Gregorio septimo & Urbano secundo. Alicui transalpino legationem sedis apostolicæ injungatis, qui & vicinius subrepentia mala cognoscet, & ea vel per se vel per relationem ad sedem apostolicam manutius curare prevaleat.

XI. Tandem diversæ vexationes quæ regna afflixerunt ob frequentiam Legatorum, qui prætextu disciplina ecclesiastica sepe numero se negotiis publicis immiscebant, & marsupia sua inflabant, Episcopos & populos in fastidium harum legationum verterunt, ut colligi potest ex Marthao Parisio variis in locis. Quod auctum est ob inutilitatem horum sumptuum. Nam judicia à Legatis lata in synodis regni interdum Romæ mittebantur in irruit parte inaudita altera. Hinc illæ lacrymæ Iovis Carnotensis ad Paschalem secundum scribentis ob Thesauriam Ecclesiæ Cabilonensis, cuius possessione Drogo quidam deturbatus fuerat judicio Concilij generalis Galliarum apud urbem Pictaviensem habiti à Legatis sedis apostolicæ: *Confirmantibus eisdem Cardinalibus judicium nostrum, (inquit Ivo in epistola xcv.) ex ratione & auctoritate judicavimus non fuisse canonican investitaram. Interim Drogo restitus fuerat à Summo Pontifice, inauditis iis quorum intererat. Vnde occasionem sumit Ivo affirmandi modum hunc agendi efficere ut inutilis omnino sit celebratio horum Conciliorum: Quid etiam ultra valebunt celebranda Concilia, quorum per unius persone delationem irrita sicut quantalibet auctoritate fulta judicia? Vnde rogamus sanctita-*

Nn

tem vestram ut librata consideratione commodorum & incommodorum que de ejusmodi perturbatione nasci possunt, seniori sententie animum accommodetis; ut & judicia synodalia non nisi summa ratione cassenetur, & mandata apostolica curiosas obseruentur. Eadem Hincmaro mens fuerat ducentis & eo amplius ante Ivonem annis: quam cum indignatione aperit in epistola ad Nicolaum primum scripta, quæ extat apud Flodoardum, occasione Rothadi Episcopi Suectionensis in generali regni synodo depositi à judicibus electis, quod judicium instaurari nihilominus in Concilio Romano volebat Nicolaus: *si de reliquo verba iniquorum prevaluerint adversum nos, sicut jacitant proferentes, non erit necesse de provincialibus synodis, in quibus hacenus laboravimus, magnopere labore. quippe quoniam erit & lex & spes sibi quisque.* Antea autem dixerat, propter appellations hujuscemodi: *Non solum ab ecclesiasticis personis, verum & multo magis à secularibus, nostra judicia contemnuntur.* Itaque in animum inducit monendos à se esse Episcopos, si quid peccent. *Si corrigerem voluerint, inquit, congaudebo. Sin autem, ad vestrum eos judicium provocabo. Qui si ire voluerint, vestra sancta sapientia quid inde melius viderit decernere procurabit.* *Si autem ire noluerint, facient quod sibi utile judicaverint.*

XII. Summi Pontifices, postquam Episcopos Gallicanos eò flexerant ut appellations à judiciis suis patienter ferrent, omnem auctoritatem in se trahere studuerunt, ita ut eam cum nullo communicarent. Eo pacto Concilia generalia ecclesiastica regni sensim abolita fuere. Frequentiae verò Legatorum hac ratio praescripta est, ut non nisi ob graves causas accederent ad provincias, five pro revocanda pace inter Reges Galliarum & Angliae, five pro bello adversus Albigenses, seu etiam ob alias similes causas. Hujuscemodi legationis illustre exemplum extat apud Mattheum Parisium. Narrat ille Cardinalem Romanum anno millesimo ducentesimo vigesimo sexto missum esse in Galliam cum auctoritate Legati, ut provideret petitionibus Raymundi ultimi Comitis Tolosatum, cuius bona publicata fuerant ob haeresim Albigensem, quorum ipse erat factor. Vnde pater Summum Pontificem extendisse sollicitudinem suam ad res temporales, tanquam connexas spiritualibus, id est, haeresi, quemadmodum observavit Clemens quartus in suis epistolis. Igitur cum Legatus advenisset, Concilium convocavit apud urbem Biturigensem; ad quod invitavit Regem, Archiepiscopos, Episcopos, & clerum Ecclesiarum Gallicanarum, atque insuper Comitem Tolosanum. In hoc conventu adfue-

runt centum Episcopi è novem provinciis, præter Abbates, Piores & procuratores Capitulorum. Et quia Lugdunensis Archiepiscopus de primo consensu contendebat cum Archiepiscopo Senonensi, Rothagensis verò cùm Bituricensi, Burdegalensi, Narbonensi, & Ausciano, adnotat Matthaeus Parisius, ad vitandam contentionem confessum illic non fuisse dispositum tanquam in vero Concilio, sed tanquam in conventu & Consilio extraordinario: *Timebatur de discordia. Et ideo non fuit sessum quasi in Concilio, sed ut in Consilio.* Cùm autem controverbia moveretur inter Simonem Comitem Montisfortis & Raymundum Comitem Tolosanum, Legatus præcepit Archiepiscopis ut unusquisque seorsim cum suffraganeis suis sententiam promeret, eamque scripto traderet, quò illam Summo Pontifici & Regi Francorum Legatus ostendere posset, excommunicationi interim subdens eos qui sententiæ suæ secretum proderent. Vnde colligi potest vim conventuum ecclesiasticorum Galliæ reductam esse ad simplex consilium. *Præcepit Archiepiscopis singulis Legatis cum presentibus, ut convocatis seorsum unusquisque suffraganeis, cum eis deliberaret super negotio prefatio, & traduceret Legato consilium suum redactum in scripto.* Quo facto, Legatus excommunicavit omnes qui super hoc sua consilia revelarent, dicens se ea velle Domino Papæ significare, & Francorum Regi ostendere.

ADMONITIO

STEPHANI BALUZII.

De legatione Aquitanica, de qua paucis agit illustrissimus Archiepiscopus in paragrapto tertio istius capituli, nos in prima librorum istorum editione nonnulla diximus in hac additione, quæ nunc vobis est referre ad caput xlii. libri quinti.

CAPUT XXXI.

Synopsis.

I. Legati in se traxerunt omnem auctoritatem Conciliorum ecclesiasticorum. Confirmationem autem canonum Summo Pontifici reservaverunt.

II. Non possum ministerium suum exequi intra Gallias absque consensu Regis. Probatur ex Gregorio magno.

III. Ratio hujus instituti aperitur. Epistola Cœlii Africani ad Celestini explicata contra mentem illustrissimi Cardinalis Perroni.

IV. Concilium Sardicense Vicarios apostolice sedis adesse sicut in synodis provincialibus, si causa Episcopi dejecti retractanda fuerit. Alind obirebat in Africa, cui ignotum erat Concilium Sardicense. Le-